

Staðfesting forsetans á skipulagsskrá fyrir „Minningarsjóð Árna Böðvarssonar“, 35
 útgefin á venjulegan hátt að mandatum af dómsmálaráðherra 20. febr. 1948. 20. febr.
 Skipulagsskráin er þannig:

SKIPULAGSSKRÁ

fyrir Minningarsjóð Árna Böðvarssonar.

Eftirfarandi skipulagsskrá var samþykkt á fundi þann 22. nóv. 1931, en tildrög sjóðsstofnunarinnar er að finna í 91—93 fundargerð UFOP.

1. gr.

Sjóðurinn heitir Minningarsjóður Árna Böðvarssonar, og er stofnaður í minningu Árna Böðvarssonar frá Hrútsstöðum í Dalasýslu.

2. gr.

Tilgangur sjóðsins er að stuðla til aukinnar sundkunnáttu meðal ungra manna innan félagssvæðis UMSD, og styrkja sund- og íþróttanáms við sundlaug þess, eftir þeim nánari fyrirmælum, sem fram koma í skipulagsskrá þessari.

3. gr.

Sjóðurinn er stofnaður með 100 króna fjárframlagi frá UMF Ólafur Pái í Laxárdal. Ætlast er til að sjóðurinn fái tekjur sínar með gjöfum einstakra manna og félaga, hverju nafni sem nefnast.

4. gr.

Sjóðurinn skal óhreyfður liggja á vöxtum unz helmingur vaxta hans nemur 60 — sextíu — krónum. Skal þá sú upphæð veitt einum sambandsfélagi til sund- og íþróttanáms við sundlaug UMSD á Laugum. Upp frá því skal smám saman fjölga styrkþegum í hlutfalli við aukning sjóðsins. Nái höfuðstóll sjóðsins að nema kr. 10000.00 eða meir, má árlega verja $\frac{3}{4}$ hluta vaxta hans í nefndum tilgangi, en $\frac{1}{4}$ hluti leggst jafnan við höfuðstól. Nái höfuðstóll sjóðsins kr. 20000.00 upphæð eða meir, má verja nokkrum hluta vaxtanna til fullkomnara íþróttanáms. Falli sundkennsla niður á sambandssvæðinu, má verja hinum umræddu vöxtum til hvers konar menningarstarfsemi meðal ungra manna í Dölum, er stjórn sjóðsins verður ásátt um.

5. gr.

Stjórn sjóðsins skipa 3 menn, einn kosinn af UMF Ólafur Pái og tveir kosnir af UMSD, allir til þriggja ára í senn. Ef UMF Ólafur Pái leysist upp, skipar sambandið alla stjórnina, en ef UMSD leggst niður, gengur sjóðurinn, afnot hans og stjórn til UMFÍ, þó að því tilskildu, að Dalamenn gangi fyrir um styrk úr honum að öðru jöfnu.

6. gr.

Stjórn sjóðsins tilnefnir, að undangengnum umsóknum, styrkþega ár hvert. Hún heldur og árlega reikninga sjóðsins og leggur þá fram á héraðsþingi UMSD, sem kýs endurskoðendur. Hún varðveitir og önnur skjöl og skilríki, þau er sjóðnum við koma.

7. gr.

Skipulagsskrá þessa má endurskoða að 10 árum liðnum, ef stjórn sjóðsins telur þess þörf. Þó skal 1. gr. jafnan standa óbreytt.

35

8. gr.

20. febr.

Þinglýsa skal skipulagsskrá þessari.

Skipulagsskrá þessi var samþykkt með öllum greiddum atkvæðum á sam-
bandsþingi UMSD, sem háð var að Sælingsdalslaug hinn 12. júlí 1947.

Stjórn UMF Ólafur Pái.

Hallgrímur Jónsson.

Jóhannes úr Kötlum.

Óskar Sumarliðason.

36

20. febr.

Staðfesting forsetans á skipulagsskrá fyrir „Minningarsjóð Elínar Jóseps-
dóttur“, útgefin á venjulegan hátt að mandatum af dómsmálaráðherra 20. febrúar
1948.

Skipulagsskráin er þannig:

SKIPULAGSSKRÁ

fyrir Minningarsjóð Elínar Jósepsdóttur.

1. gr.

Sjóðurinn heitir Minningarsjóður Elínar Jósepsdóttur.

2. gr.

Stofnfé sjóðsins er 1000.00 — eitt þúsund — krónur. Hann er stofnaður til
minningar um Elínu Kristjönu Jósepsdóttur, fædd 31. júlí 1915, dáin 4. júlí 1946,
af móður hennar og stjúpföður, Amalíu Þorleifsdóttur og Stefáni Tómassyni í
Búðardal í Dalasýslu

3. gr.

Sjóðurinn tekur við gjöfum og áheitum, er leggjast skulu við höfuðstól hans.

4. gr.

Allir vextir skulu leggjast við höfuðstól sjóðsins, þar til hann er orðinn að
upphæð kr. 5000.00. Úr því má verja $\frac{3}{4}$ árlegra vaxta samkvæmt 6. gr. $\frac{1}{4}$ árlegra
vaxta skal leggjast við höfuðstólinn unz hann er orðin nað upphæð kr. 10000.00,
eftir það má ráðstafa öllum vöxtum sjóðsins.

5. gr.

Sjóðinn skal ávaxta í Sparisjóði Dalasýslu eða annarri hliðstæðri stofnun.

6. gr.

Tilgangur sjóðsins er, að viðhalda og endurbæta ljósakerfi Hjarðarholtskirkju
í Dalasýslu, svo og að prýða og fegra kirkjuna og það sem hennar er, eftir því sem
til hrekkur.

7. gr.

Sjóðurinn skal vera undir yfirstjórn sóknarnefndar Hjarðarholtssóknar, sem
sér um ávöxtun sjóðsins og allar fjárreiður og býr til reikninga hans, og skulu
þeir endurskoðaðir árlega með reikningum kirkjunnar. Verði þær breytingar á
skipun kirkjumála, að störf sóknarnefnda verði lögð niður, fellur stjórn sjóðsins
undir hliðstæða aðila.

8. gr.

Leita skal staðfestingar forseta Íslands á skipulagsskrá þessari.

Búðardal, 21. desember 1947.

Amalía Þorleifsdóttir.

Stefán Tómasson.